



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Caroli Scribani è Societate Iesv Philosophvs Christianvs**

**Scribanius, Carolus**

**Neobvrgi. Ad Danubium, 1618**

Cap. XIV. Iudicivm Vniversale. Horrore & terroribus plenum,  
elemen[t]orumque collisionibus pr[a]enotandum.

[urn:nbn:de:hbz:466:1-46524](https://nbn-resolving.org/urn:nbn:de:hbz:466:1-46524)

Et nos è plumeo thoro, è deliciis & lusu, è medio voluptatum, honorum, opum, tribunalia hæc audentes spectabimus? illi post hæc omnia non sunt sine metu, & nos quid speramus, aut inani nos ipsos fiducia ludimus? aude anime. nec pigeat imitari à quibus pudeat vinci. insonet auribus tribunalia, & vox Iudicis, modicæ lacrymæ, opum, honorum, voluptatum contemptus, securum te sistent Domino.

Epist. Regi, Iudicij, in die reddendæ rationis, die iræ, & retributionis, die furoris, cui procella tenebrarum servata est in æternum.

## CAPVT XIV.

## IUDICIUM EXTREMVM.

Cuius horrorem, Solis, Lunæ, siderumq; defectu prænotatum hic habes. vt timore magistero, corpori frenos iniicias dum vivit. docet parere ancillam, seruam, mancipium: ne in die illo Domini magni

*Philosophus Christianus. 672*

*audiat extremam vocem maledi-  
ctionibus æternis ignibus gravi-  
dam. ne adsocietur demonibus nub-  
la tormentorum acerbitate satian-  
dis: nec exulet æternum celo cui na-  
ra, gloriã cui emptã. Stolidi, quos  
illa vox terroris, minarum, flam-  
marumque plena non trahit ad sa-  
uora, non auocat à deterioribus  
non terret à scelere, non ducit ad  
virtutis semitam. quæ vna secu-  
rum te statuet in illo die, orbe spe-  
statore, celo pramiatore, inferno  
vindice, Deo indice, cui nihil re-  
laxum, nihil impunium.*

**H**Orror & stupor vbi estis? v-  
bi lacrymæ & comploratio-  
nes? vbi planctus & eulationes?  
Dolor meus, dolor struthionum;  
lamenta mea, lamenta tigrum ra-  
ptis catulis; lamenta matrum, dis-  
ruptis ab vberibus aut vtero carni-  
fica manu natis. Quis validus, &  
non iam prodigus aquarum, sed  
languinis, tanquam disseas qua-  
Ff qua

qua venis, sanguineos non deno-  
 met torrentes? quis potens, cuius  
 non emarcuit virtus, emedullatis  
 etiam pristini vigoris ossibus? qui  
 nervis & succo plenus, tanquam à  
 fornace media non exaruit exsuc-  
 cidus totus? quis fortis & non iuc-  
 cidet genibus? quis robustus & non  
 delinquet animo? tanquam cera  
 mediis ignibus, & medio aestivo ni-  
 ves sole, aut stipula ignibus deco-  
 cta, ita omnis anima viri potentis  
 in die Domini magno. *Dies ira,*  
*Soph. 1.* *dies illa, dies tribulationis & angu-*  
*v. 15.* *stiae, dies calamitatis & miseriae, dies*  
*tenebrarum & caliginis, dies nebulae*  
*& turbinis, dies tubae & clangoris su-*  
*per civitates munitas, & super angu-*  
*los excelsos. Et tribulabo, ait, homi-*  
*nes, & ululabunt ut caci, quia Do-*  
*mino peccaverunt, & effundetur san-*  
*guis eorum sicut humus, & corpora eor-*  
*um sicut stercora. Propter hoc omnes*  
*Ha. 13.* *manus dissolventur, & omne cor ho-*  
*minis contabescet & conteretur. tor-*  
*tionem & dolores tenebunt, quasi par-*  
*turiens*

*Philosophus Christianus.* 873

*variens dolebunt. vnusquisq; ad pro-  
ximum suum stupebit, facies combu-  
sta vultus eorum. dies crudelis & in-  
dignationis plenus, & ira & furoris,  
dies rugitus & horrois, dies vindi-  
ctæ & retributionis, dies vltionis &  
iudicij, dies fremitus & indigna-  
tionis, dies poenarum & flamma-  
rum ignis æterni. dies in qua indi-  
cabit Dominus occulta hominum, cum  
patebunt abscondita cordium, &  
abditamenta mentium reuelabuntur, or-  
be toto inspectore, diribitore Deo,  
hinc superborum corda tumentia,  
inde libidinosorum voluptate na-  
tancia, alibi invidentium inæstuan-  
ti odio corrosa, aut auaritia exesa,  
aut nunquam-explenda diuitiarū  
fæstuantia, perpetuaque dignita-  
tum & honorum scabie & pruridi-  
ne vexata.*

Et sanè perfacile est dum viuimus, inimicum omnem amicum ve-  
mentito vultu & ore ludere, fron-  
te & verbo fallere. & quis non

aut amorem & obedientiam dum  
 vult mentiatur, aut edim regat  
 aut pietatem ostendet probitatis  
 mulus? aut virtutem moribus pre-  
 ferat, doctus etiam prudentes cir-  
 cumuenire? at reteget illa dies altè  
 defossa mentibus, recludetque tot  
 obserata seris, eo grauiore vulnere  
 quo profundius concredita: eo  
 maiore verecundia, quo fallacius  
 sanctimonix specie fefellit plures:  
 eo maiore dolore, quo maiore an-  
 tè consilio condita pectoribus in  
 fallaciam, & æstimata integritatis  
 decipulam. Quanto securius cer-  
 tiusque dum viuunt committunt  
 animis, nec erubescenda, nec pe-  
 nitenda aliquando, quicunque se-  
 riò diem illum meditantur, certè  
 nihil dimitti ac submergi in illud  
 altum pectoris, quod non superna-  
 tet in die illo magno. Et quis pru-  
 dens tegit maiore rubore publicè  
 da? quis simulat non multo post  
 ingenti verecundia vulganda? quis  
 morbum premit exitio silentio suo  
 futu-

futuram? etiam erubescenda medica tangit manus, nec quidquam tam reconditum quod valetudinis amor, aut doloris magnitudo, aut medelæ spes non retegat in salutem. & nos interim quanta pectore premimus, infami in illa die diffusionem ventilanda? quanta immemores futurorum in recessu abditarum cogitationum comitimus animo, orbe inspectore publicanda? cum de facili possimus aut non admittere serò poenitenda, aut eluere seriùs diluenda.

Non multæ lacrymæ de cordis intimo salientes quid non possunt dum vita manet? quid non suspensio meliore voto & igne calentia, & inter confragosos singultus tanquam à valido vento excussa factorum poenitudo? At in illo die Domini, non si flumina & maria fundant oculi, noxam vel vnam diluent. non si saxæas rupeasque poenitudines deuomant pectora; non si omni Ætæna æstuantiora iaculen-

tur vota, audiamus Dominum:  
*Non transeam, nec parcam, nec pla-*  
**Leue. 24.** *cabor: iuxta vias tuas & iuxta adiu-*  
*uentiones tuas iudicabor.* audiamus  
 Malachiam: *Ecce dies veniet succen-*  
*sa quasi caminus: & erunt omnes fa-*  
**Malac. 4.** *cientes impietatem stipula, & inflam-*  
*mabit eos dies veniens, quæ non relin-*  
*quet in eis radicem & germen.* Ostul-  
 ti! viuimus tanquam impune latu-  
 ri meditata scelera, quia innocua  
 manu: cum germina, & radices  
 scelerum, quæ tanquam in abdito  
 terrarum mentibus reclusa nostris  
 sunt, egerminaturum se ac eradica-  
 turum interminetur Dominus, vi-  
 uimus tanquã soli testes factorum  
 cogitationumque nostrarum, tan-  
 quam soli conscij meditatorum fa-  
 cinorum. viuimus vt increduli Dei  
 vt prouidentia illius ignari, vt sci-  
 entia illius refragatores. nam quis  
 sciens volensque coram iudice pec-  
 cat? quis in oculis Regis, vitæque  
 ac necis domini, morte patrat lu-  
 enda

enda? quis sub liſtore conſtitutus  
ſub enſe, ſecuri, fune, ſcelera me  
ditatur? quis euulgationis conſcius  
& ſequuturę iam iam mortis ſan  
guine committit pianda? aut qui  
non crimina ſperat tegenda? ſim  
ſciat retegenda, quis non manum  
retrahit, ſi mors ſequutura, ſi tor  
menta & ignes, ſi laqueus & fer  
rum? & nos in oculis magni illius  
Iudicis, Domini, & Regis, omnia  
contuentis, etiam abditiffima, &  
ſeruata centum clauibus, quã ſo  
luto metu peccata peccatis cumu  
lamus? ac de vno in aliud tranſcen  
dimus, tanquam priora via ſint &  
ſtrata ſemita ad ſecunda.

Et tamen in illa die omnium  
oculis ſubiicientur reconditiſſi  
ma etiam cogitationum noſtra  
rum. & quę ſoli propè erubuimus  
ſpectabit orbis, ſuperiores, ſub  
diti, æquales, amici, hoſtes. Quę  
tunc erunt cogitationes noſtrę?  
nollem factum; nollem cogitatum.

Ff 4 ſpera-

sperabam aeterno premeunda silen-  
cio. non memineram oculi huius  
magni intima perscrutantis. non  
putabam enulganda. ô fatui! quo-  
usque hæc, infelici luenda sine, ac  
erubescendo pianda exitu? melio-  
ribus dum tempus est, mentem pa-  
scamus, illique nunc comittamus,  
quæ nec erubescat nec culpet sera  
pœnitentia.

Quod ut certius intelligas, in-  
tuere diem illum propius, elemen-  
torum collisionibus prænotatum.  
prænotius horror testis est futuri.

**Ha. 66.** *In igne veniet Dominus, & quasi tur-  
bo quadriga eius: reddere in indig-  
natione furorem suum, & increpationem  
suam in flamma ignis: quia in  
igne Dominus iudicabit, & in gladio  
suo ad omnem carnem. quin turbo  
Domini furor egrediens, procella ru-  
ens in capite impiorum. Thronus eius  
flamma ignis: rota eius ignis accen-  
sus, fluvius igneus rapidusque à facie  
eius. intuere deinde omne ab orbe  
condito humanum genus. Vide*

Regi-

Regibus immistos egentes, seruos dominis, subditos superioribus, nullo tiaræ aut sceptri, diadematis, purpuræ, aut pauperis sagi discrimine. voluntur vt arenez, miserenturque vt aquarum stillicidiis, nulla dignitatis prerogatiua.

Dum viuimus, comœdiarum ac tragediarum harum personas sustinimus; digniores, indignioresque expleuimus. cortina reducta, remota scena, redimus ad vetera, cinerem & arenam, & animam parrem. & denuntiatum antè. *Non Sap. 6.*  
*subtrahet personam cuiusquam Deus, nec verebitur magnitudinem cuiusquam, quoniam pusillum & magnum ipse fecit, & equaliter cura est illi de omnibus. fortioribus autem fortior instat cruciatio. atque hinc additum. Horrendè & citò apparebit vobis, quoniam iudicium durissimum in his qui præsumunt fieri. exiguo enim conceditur misericordia, potentes autem potenter tormenta patientur.*

Vide deinde in hac paritate for-

Ff 5

tem

tem imparum proborum, impro-  
 borum, hinc patrem rapi ad suppli-  
 cia, inde natum ad gaudia, ibi ma-  
 trem ad tormenta, filiam ad pra-  
 mia. alibi Regem & dominum &  
 iudicem ad ignes; reum, & seruum  
 & mancipium ad regna, & caelo-  
 rum diademata. Quis in hac secre-  
 tione, amulauque bonorum ac ma-  
 llorum retributione, rugitus exprimat  
 & eiulatus? iam cum viderit  
 patres, matresque, dominos, ser-  
 uos, socios, amicos, inimicos, &  
 mulos, vno rapi interitu, maledi-  
 ctis mutuo suppliciorum causas  
 improperantes; & in tanta multi-  
 tudine tam varium mormur, tan-  
 tas tamque acerbis ultimorum de-  
 sperationum voces, dentium stri-  
 dores, ora spumantia, liuidas can-  
 dentesque genas, membrorum  
 omnium saevas collisiones, execra-  
 tiones, imprecationes, blasphemias,  
 quid dices? quid quando  
 demonum agmina insulantia? im-  
 properantia? accusantia? minitantia?  
 nec

nec segniores comminationibus manus? aut cum angelorum & beatorum agmina exemplo suo accusantia & damnantia? quid ubi iudicis antè contempti, ac spontaneo neglectu ignorati, vultum oculisque in solam vindictam truces? ubi vocem, in damnationem omnium quæ vnquam fuerunt lenissimam? ubi inter clamores & eiulatus, tristesque tot millia diffonos planctus, vnâ vocem, tonitru, fragore, terræmotu omni terribiliorem: *Ite maledicti in ignem æternum?* Matt. 25.

Quid facit hic homo? aut quis illi animus in hoc terrore, cum intonabit in ira furoris sui *validus Isa. 28.*  
*& fortis Dominus, sicut impetus grandinis, turbo confringens sicut impetus aquarum multarum inundantium & emissarum super terram spaciosam? unde cælum, & terra, elementa & sidera contremiscunt, montes & silvæ, flumina & maria, concussa, ingenti trepitant pauore,*

sedes vacuatura si locus detur: pra-  
 ta & arbores, herbae, flores, vinea  
 in gloria, posito languent virore,  
 adeoque emedullata serpunt humi  
 tanquam ab ardente fulmine am-  
 busta: omnia denique, licet inno-  
 xia, & nullo scelere suo contami-  
 nata, sursum deorsumque, quasi  
 propriis conuulsa sedibus, interi-  
 tum spectant, vltimumque exitium  
 sui: & homo quò se vertet peccati  
 conscius, imminentisque prome-  
 riti praescius ignis aeterni? trepidant  
 & tantum non colliquescent rupes,  
 & caeli tanquam aere fusi; & stabit  
 homo reus? *Stella caeli & splendor*  
*earum non expandent lumen suum:*  
*obtenebratus est Sol in ortu suo, &*  
*Luna non splendet in lumine suo.*  
 cum ergo sidera spoliata luce, ter-  
 rorem, horroremque testentur no-  
 ste sua, & stabit homo criminis &  
 interitus sui conscius? non stat hec  
 ingens machina tot saeculis solida-  
 ta, tot aetatum firmata basibus, in-  
 nocuo licet crimine, & stabit tot  
 sceler-

Isa, 13.

scelerum homo reus? inter inexplebiles carnificum manus, inter nullo suo morituros ignes stabit homo reus? *Intraibunt in speluncas petrarum, & in voragines terræ à facie formidinis Domini, & à gloria maiestatis eius, cum surrexerit percussere terram. cum in igne zeli eius deorabitur omnis terra, & consummatione cum festinatione faciet cunctis habitantibus terram.* atque hinc clamor ille tanquam feralis buccinæ: *Montes cadite super nos, & colles operite nos ab ira diei huius, diei vindictæ & lamentationes, ignis & poenarum.* at nulli montes fugient oculos, nullæ valles iudicis claudent perimētve vocem, non iam vtantē interminatricem, sed adiudicatricem ignis æterni.

Isa. 34

Sopho. 1

Luc. 23

Quòd si curiosius in ipsum iudicem oculos defixeris, quid videbis, extra illud os vocemque tremendam, præter tot damnationis capita quot vulnera? nam quid sunt illa quinque, nisi rùpea quæ-

Ff 7 dam

dam saxa flammaram, damnanda  
 æternitatem deuoentia? quid nisi  
 singula beneficiorum multitudine  
 nem testantia, magnitudinem com-  
 memorantia, ingratitude accu-  
 santia, improbitatem redarguen-  
 tia? quid sunt, nisi singula fulmina  
 perduellium medullas exedentia  
 & stabunt pedes, nec subducet se  
 terra reo? & quid sunt vulnera, ni-  
 si venenaria tela, aut letales haste  
 toxico lotæ animæ peccanti? quid  
 nisi horror & fragor, & iaculata ru-  
 pes miserandæ æternitatis? quid  
 sanguis nisi spicula infelicis xpi?  
 quid guttæ singulæ, nisi singulæ vo-  
 ragines sulphuris & picis? misera  
 vicissitudo, vt quod fuit in mede-  
 lam, fit in interitum; quod fuit in  
 vitam, fit in mortem; quod in salu-  
 tem, fit in damnationem; quod in  
 triumphum, fit in seruitutem & ca-  
 tenas; quod in coronam, fit in pec-  
 nam; quod in gaudium, fit in mee-  
 rorem; quod in beatam premiatio-  
 nem, fit in ignem, & ignem æternum.

Que-

Quousque breuibus mercamur  
æterna? quousque momentaneis  
deliciis, voluptatibus, honoribus  
auro, ignem, tormenta, contem-  
ptum, indigentiamq; etiam aquea-  
rum guttarum paramus æternam?  
quousque in perituris amplectimur  
æterna infelici demutatione, imme-  
mores diei huius, diei angustiarum  
& timoris, pressuræ & anxietatis,  
cùm insonabit sepulchralis illa bue-  
cina: *Surgite mortui, venite ad iu-  
dicium*; horrois & stuporis, ipsiq;  
elementis formidanda tuba, terra  
intremente, cælo lugente, sideri-  
bus stupentibus, orbe toto sedibus  
concusso? *Flebilis illa dies, cùm om-* Ezech. 5  
*nes manus dissoluentur, & omnia ge-  
nua fluent aquis.* Dies lacrymarum  
& ululatum, & confusionis mag-  
næ: cùm ex omni orbis plaga, in  
quocumque loco mors rapuit, secu-  
la rexerunt, maria sobuerunt, terra  
depressit, surget in iudicium æterni-  
tatis homo reus criminis sui, celati  
an proditi, in recessu pectoris an  
opere

operè completi conscius, desperata salute, ultimoque exitio sui pauidus & horrore plenus, certus de poena, deque nullo sine morituris ignibus, dum tormenta tormentis infelici foecunditate innascuntur.

2. Cori 5 Omnes enim nos manifestari oportet ante tribunal Christi, ut referat unusquisque propria corporis, prout gessit sine bonum, siue malum.

Erigere anime. & dum dies permittunt, dum poenitentiae locus, dum fletibus patet via, corrigamus vetera; deliciis, honoribus, voluptatibus, opibus spretis, amplectamur ea quae nos metu liberant futurorum, quaeque pro modico illorum neglectu, caelestia spondentes delicias, honores, opes, voluptates nullo finiendas die, nullo minuendas, nullo possessorem suum frustraturas, nullo mentito vultu in fraudem pellecturas. viuent illa, & aeternum viuent, aeternaque cultorem suum beatitate donabunt, verisimilis delicias aeternis, solidissimis

mis honoribus æternis, sincerissimis voluptatibus æternis, certissimis opibus æternis: quas nec naufragia sorbeant, non hostes eripient, non inualedo franget, nec diminet ætas.

Et quantula res est perituris renunciare ut æterna possideas? quanta, momentanea hæc negligere ut æterna consequaris? quanta, breuius his exui, ut æternis induaris? Et quis mollet anno vno carere voluptatibus, deliciis, honoribus, opibus, ut iisdem annis frui possescentum? quanto proinde prudentiores sunt, qui dum vita hæc viuunt, exuunt se illis voluntaria spoliatio, ut æternum fruantur innumeris modis maioribus, certioribus, nobilioribus, felicioribus? Nam quanta est hæc vita si æternæ compares? non annus, non dies, non hora; adeoque vix momenti meretur nomen. & non vnus dies <sup>2. Pet. 3.</sup> apud Dominum sicut mille anni, & mille anni sicut dies vnus? Quam fatui

fatui proinde qui his breuibus bre-  
uem vitam erogan, qui vt momen-  
taneis hisce mentem expleant, spo-  
liant se maioribus in omnia secula  
perennaturis / qui pro his ludiciis  
dominumque fallentibus, pro fu-  
gitiuis possessoremque suum non  
multo post deserentibus, corpus  
animamque aternis subiiciunt ig-  
nibus! O stolidi! vbi mens & cor  
hominis? momentaneas delicias,  
voluptates, honores, opes, aternis  
preponere, securissimis, solidissi-  
mis, nec vlllo possessorem suum quo  
desituentibus.

Et quid sunt temporis huius de-  
licia proritamenta gula, quid pro-  
fuge & communes bestiis volupta-  
tes, publicum vitantes, & conspe-  
ctum etiam amicissimorum, poeni-  
tudine & erubescencia sectatorem  
suum flagellantes? quid honorum  
& dignitatum incerta, quid opum  
in tam varia fortuna possessio du-  
bia, & morte paullo post deserenda;  
si cum aternis, caelestibus diui-  
nisi-

nissimis componamus? nullus hic labor, nullum secretum pudori queritur, nullus oculus testis formidatur, nulla incerta aut dubia, aut à quocunque hoste aut casu periclitatura. Semel possessa æternùm possidentur, semel adiudicata æternùm adherent.

His ergo dum licet consequendis seriò adlaboremus. non magno molimine æterna comparabimus, si momentaneis illis contemptis, totos nos brevi hoc tempore æternarum studio dederimus, his incubuerimus, certi de premio, certi de gloria, & gloria æterna. miramur ridemusq; mente captos, puerosq; auro & gemmis, nuces, pomorumq; frustra præelicientes. miramur brevè palati gustum momentaneaq; oblectamenta, duratioris anteponentes. at quanto nos liberiore digni cachinno meritò videbimur, qui peritura cœlestibus, & in omne ævum perennatatis, fatue delectu præponimus?  
procul

procul hæc deliria dimitti capi-  
 sis. nimio isthæc fatuitas emittit  
 insanire cum fatuis & pueris liceat  
 cum peritura perituris componen-  
 sur. at vbi momentanea hæc cum  
 æternis in certamen veniunt, & pro-  
 labentibus ac interituris perpetua-  
 tura reponuntur; exuenda stultitia  
 est. nimis enim caro emittitur quod  
 emendari non potest. ludis, & ab  
 vno aliquando alex iactu regna  
 pendunt & prouinciæ, aut ingentia  
 priuatorum patrimonia; & fatuus  
 audis, quid audies cum in vno de-  
 lectu, tanquam alex iactu peritura  
 cum æternis mutas? in illo ludo qui  
 perdidit, meliore fortuna reparare  
 damna potest; adeoq; duplici for-  
 nore resarcire infortunatum prio-  
 rem iactum: at in hoc æternitatis  
 ludo, nec deliberationibus, nec  
 iteratis felicioribus votis locus est.  
 semel iacta alea est? eterna est. se-  
 mel delegisti? eternum est. semel  
 sententia lata est? eterna est.

Et quantulæ rogo res sunt, ob quas  
 in

in discrimen adducimur ferenda  
sententia ignis aeterni? opes, ho-  
nores, voluptates quid sunt, si cum  
infelicibus inferorum tormentis  
componantur? confer temporaria  
hec perennaturis, peritura aeternis.  
confer orbis qua patet, opes, ho-  
nores, voluptates cum caelestibus,  
magnitudine, duratione. finita in  
illis omnia, & ingentibus permista  
solicitudinibus, rubore, pœniten-  
tia; cum caelestia interminata sint,  
nullo pretio metienda, nulla cura,  
pœnitudo, erubescencia posses-  
sorem suum percussura; nullo in-  
genio, calamis; terminis circum-  
scribenda. Cogita quidquid ali-  
quando magnū, maiora reperies;  
extende, si potes, vota ad omnium  
ingeniorum conatum, maiora vi-  
debis: adde quidquid inexplebi-  
les omnium quotquot unquam a-  
uarorum manus, quidquid usquam  
animi fastu turgentium, quidquid  
per ubique vouerunt pectora vo-  
luptatibus ebria; nec umbram qui-  
dem

dem consequutus fueris futuri corporis. adeo cœlestium opes, honores, voluptates, quidquid est cui huius vincunt, vt nec in comparationem quidem venire possint, sine magnitudinis suę nota cum his peritoris. & digna hæc videbuntur nobis propter quę infelicem subeamus aleam letalis sententię, à qua pendet æterna?

Hęc cogita, nec facillè descendet ad fatuum hunc delectum: saniora enim æternatura docebunt; & ad meliora te perennatura trahent. si tamen ita te totum vitæ huius opes, honores, voluptates dementarunt, adeoque infra omnes fatuos puerosque statuerunt, vt nulla te moueat aut spes præmiorum, aut gloriæ æternæ, non Deus ipse, moueat te feræ diei illius horror & stupor, cum ipsa orbis machina tantum non sedibus suis euellenda, ipsa nocte tremoreque suo sidera cœlique nimis testata faciant, quid nunc cogitandum super die illo, die

die fletuum & suspiriorum, die timoris & lamentationum, die rugitus & collisionum, die execrationis & ultimarum blasphemiarum, nullis lacrymis, votis, precibus, penitentia reparando. audiamus monentem Petrum: *Adveniet dies Domini ut fur: in quo caeli magno impetu transibunt, elementa vero calore solventur, terra autem quae in ipsa sunt opera, exurentur. Cum igitur haec omnia dissolventa sint, quales oportet nos esse in sanctis conversationibus & pietatibus, expectantes & properantes in adventum diei Domini, per quem caeli ardentes solventur, & elementa, ignis ardore tabescent, propter quod charissimi haec expectantes satagite immaculati & inuiolati ei inueniri in pace.*



CAPVT